

Oqaasiliortut ataatsimiinnerannit imaqarniliaq

Sumiiffik:	Ilimmarfimmi ini nr. 7-imi
Ulloq:	25.11.2016
Nalunaaqutaq:	13:00 - 16:00
Oqaasiliortut peqataasut:	Mariia Simonsen (nal. 15.00-ip tungaanut), Mette L. Lyberth, Juaaka Lyberth, Bolatta M. Vahl aamma Jens Danielsen
Ataatsimiinnermik aqutsisoq:	Bolatta M. Vahl
Oqaasileriffimmiit peqataasut:	Katti Frederiksen aamma Tikajaat Kristensen
Allatsi:	Minik Jeremiassen
Ataatsimiinnerup normua:	9

Oqaluuserisat

1. Oqaluuserisassat akuerineqarnerat
2. Kingullermik ataatsimiinnermi imaqarniliap akuerineqarnera
3. Oqaasileriffimmiit ilisimatitsissutit
4. Oqaasiliortut suleriaasissaat (forretningsorden) pillugu
5. Atsersuinnermi innersuussutit
6. Oqaasiliortunut saaffiginnissutit
 - 6.1. MIO-mi taaguutit
 - 6.2. Ph.d.-gradimik angusiffiusinnaasut
 - 6.3. Ilisimatusarfimmi immikkoortortaq nutaaq 'Afdeling for Økonomiske & Samfundsvidenskabelige Studier'
 - 6.4. Mikroplast
 - 6.5. Namminersulivinneq, namminiilivinneq
7. Taasariaqartut allat
 - 7.1. Ataatsimeeqqinnissamut ulluliineq
 - 7.2. 2017-imut pilersaarusoqatigiinnissamut ulluliineq
 - 7.3. Royal Arctic Line-imiit taaguutit (ilisimatitsissutitut)
 - 7.4. Oqaasiliortut suliaasa killiffiannik ilisimatitsineq

Imaqarniliaq

1. Oqaluuserisassat akuerineqarnerat:

Immikkoortoq 'Oqaasileriffimmiit ilisimatitsissutit' oqaluuserisassani immikkoortut pingajuannut inissinneqareermat oqaluuserisassat akuerineqarput.

2. Kingullermik ataatsimiinnermi imaqarniliap akuerineqarnera:

Oktobarip 14-anni ataatsimiinnermi peqataanngitsoorsimasut imaqarniliami allanneqareerpata imaqarniliaq akuerineqassaaq.

Juaakap ataatsimiinnermi tassani peqataanngikkaluarluni MIO-mi taaguutini seksualitetimut taaguusiunneqartunut isumaqataanini oqaatigaa, kisianni erseqqissaatigaa siunissami taaguutitut pineqartunut immaqqa pitsaanerusumik taaguusiisoqarsinnaajumaarmat.

3. Oqaasileriffimmiit ilisimatitsissutit:

Oqaasileriffiup pisortaata Katti Frederiksenip Oqaasileriffimmiit ilisimatitsissutit ataatsimiinnissaq sioqqullugu emailikkut Oqaasiliortunut nassiussimasai ataatsimiinnermi eqqartorneqarput.

Ilisimatitsissutillu makkuupput:

1. Oqaasiliortut Oqaasiliortut suleriaasissaanni (forretningsordenimi) §7 pillugu apeqquteqaataannut Naalakkersuisoqarfimmiit akissut:

§7-imi allakkatigut qinersisoqarsinnaannginnera (taasisoqaqqusaannginnera) qanoq paasineqassanersoq Oqaasiliortut paaserusummassuk Naalakkersuisoqarfiup ilisimatitsissutigaa aatsaat ataatsimiinnermi peqataanikkut taasinerit atuuttassasut, tassa ataatsimiinnermut ornigulluni imaluunniit oqarasuaatikkut videukkulluunniit peqataanikkut aatsaat taasisoqarsinnaassaaq.

2. Kalaallisuumiit qallunaatuumut qallunaatuumiillu kalaallisuumut nutserusiornissaq

Naalakkersuisoqarfimmiit aningaasalerneqarnialersoq Oqaasileriffik ilisimatinneqarpoq.

Nutserusiornissaq ukiunik tallimanik sivissuseqartussaq ukiumut 2 mio. koruuninik

aningaasalerneqartassaaq, tassa ukiuni qulini katillugu 10 mio. koruuninik aningaasalerneqassalluni.

3. Ordbogilerinermik suliaqartarnerup Oqaasileriffimmiitinneqalersinnaaneranik periarfissat pillugit

Oqaasileriffiup Naalakkersuisoqarfimmut saqqummiiartornerata kingorna Naalakkersuisoqarfiup

tamanna isuma taperserlugu ordbogilerinerup Oqaasiliortut inatsisissaannut

ilanngunneqarsinnaaneranik misissuiniarlutik aalajangersimapput.

4. Kalaallisuumiit tuluttuumut ordbogiliap app-inngortinneqarsinnaaneranik nittartakkakkullu

iserfigineqarsinnaasunngornissaanik Oqaasileriffik periarfissarsioqqilerpoq.

5. Killiffilersuutit nutarterneqarnerat kigaatsumik ingerlavoq naatsorsuutigineqarlunilu aappaagu 2017-imi aatsaat saqqummerumaartoq. Suleqatigiit ukioq manna decembarip aallaqqaataani naapereerunik sukumiinerusumik paasissutissiinnaalissapput.

6. Korpusimik (allagaatinik katersivissuarmik) ineriartortitsineq ingerlalluarpoq saqqummersitsiviillu saaffigineqartut tamavimmik naqitaminnik tunniussisinnaallutik nalunaarsimapput.

7. 2017-imi Oqaatsit Ulloqarnissaanut tunngatillugu kalaallit oqaasiinik atuilluarsimasunik, atsiilluarsimasunik, nutaaliortunik siuarsaaqataasunilluunniit kajumissaasiisarnissamut aningaasanik qinnuteqartoqassaaq.

Tassunga tunngatillugu Oqaasiliortut ataatsimeeqqinnissaminnut kajumissaasiisarnissap siunertaanik sukumiinerusumik Oqaasileriffimmiit paasissutissanik pissarserusupput.

8. Oqaasiliortut Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisunngortumik naapeqateqarnissaannik Oqaasileriffik suli erseqqinnerusumik paasisaqanngilaq Oqaasileriffimmiulli paasisaqariarunik piaartumik Oqaasiliortunut nalunaarumaarput.

Oqaasiliortut Ilinniartitaanermut, Kultureqarnermut, Ilisimatusarnermut Ilageeqarnermullu Naalakkersuisumik ataatsimeeqateqarnissaannut oqaatiginiagaat allatsip isumagissavai, tassaasut:

Oqaasiliortut suleriaasissaanni §6-imi allassimavoq Kalaallit aqqinik akuersisarneq pillugu suliat Oqaasiliortukoortinneqannginnerini Biskopimut oqaaseqarfigisassanngorlugit tusarniaassutigineqartassasut. Taama suleriaaseqartoqarnissaa pisariaqanngitsoq Oqaasiliortut isumaqarput.

Oqaasiliortut suleriaasissaanni §7-imi allakkatigut qinersisoqarsinnaannginneranik (taasisoqarsinnaannginneranik) allassimasoqarpoq. Ataatsimiinnermi taamaallaat aalajangiisoqartalerpat kalaallit aqqinik qinnuteqartut sullinnerinut kinguarsaataassasoq Oqaasiliortut ilimagaat. Suliat sukkanerusumik ingerlanneqartarnissaat anguniarlugu allakkatigut akuersisarnerup ingerlanneqartalernissaa Oqaasiliortunit inassutigineqassaaq.

4. Oqaasiliortut suleriaasissaat (forretningsorden) pillugu:

Oqaasiliortut suleriaasissaat Naalakkersuisumit atsiorneqarluni atuutilersinneqareermat allannguisinnaanissaq ajornarsereerpoq. Taamaakkaluartorli Oqaasiliortut isumaqarput suleriaasissami pitsanngorsaatisaanik siunissami allannguisinnaanissaq periarfissaajuannarumaartoq.

5. Atsersuinermi innersuussutit:

Atsersuinermi innersuussutini aqqitassat aqqinneqassasut ataatsimiinnissamullu tullermut akuerineqartussanngorlugit piareerneqassasut Oqaasiliortut aalajangiuppaat.

Tunamiut Avannersuarminiullu aqqisa qanoq allanneqartarnissaat inuit aqqinik akuersiniartarnermi aporfjuartarmat inuit aqqinik tunngasunik Oqaasileriffimmi suliaqartoq Tikaajaat Kristensen ataatsimiititaliamik Tunumiut Avannersuarminiullu aqqisa qanoq allanneqartarnissaannik siunnersuusiortussanik pilersitsisoqarnissaanik siunnersuuteqarpoq.

6. Oqaasiliortukkoortut:

6.1. MIO-mi taaguutit:

Qallunaatut	Kalaallisut	Oqaaseqaatit
tabu	paquminartoq	
tabuiseret/tabubelagt	paqumigisaq	
tavshedspligt	nipangiussisussaataaneq	
terapi	katsorsaaneq	
tilsnigelse (seksuelt)	pinngitsuusaarluni atoqatiginninniarnaq	
traume	nalaassimasamik kingunerlutsitsineq	
tværfagligt samarbejde	oqartussaaffiit ilisimasallu akimorlugit tapertariilluni suleqatigiinneq	
udredning	paasiniaaqqissaarneq	
underretningspligt	nalunaartussaataaneq	
skærpet underretningspligt	sakkortusisamik nalunaartussaataaneq	
vidensdeling	ilisimasanik avitseqatigiinneq	
videoafhøring	videukkut killisiuineq	Oqaaseq killisiuineq namminermi ajortuliornermut tunngasunik isumaqanngitsoq Oqaasiliortut erseqqissaatigaat, taamaattumillu matumani taaguusiinermi atorneqarpoq
vurdering	naliliineq	
værge	angajoqqaatut akisussaataasooq	

6.2. Ph.d.-gradimik angusiffiusinnaasut:

Ilisimatusarfimmi Ph.d.-gradimik angusiffiusinnaasut pingasut kalaallisut ima taaguuserneqarput:

1. Arktiske studier – pædagogik og uddannelsesvidenskab:

Issittumi ilisimatusarnerit – pædagogikkimik ilinniartitsinermillu ilisimatusarneq

2. Arktiske studier – sundheds- og samfundsforhold

Issittumi ilisimatusarnerit – peqqissutsimut inuiaqatigiilerinermullu tunngasut

3. Arktiske studier – kultur, sprog og samfundsforhold

Issittumi ilisimatusarnerit – kulturi, oqaatsit inuiaqatigiinnilu pissutsit

6.3. Ilisimatusarfimmi immikkoortortaq nutaaq 'Afdeling for Økonomiske & Samfundsvidenskabelige Studier':

Ilisimatusarfimmi immikkoortortat marluk Inuiaqatigiilerinermik Ilisimatusarnermut

Immikkoortortaq (qallunaatut: Afdeling for Samfundsvidenskab) aamma Aningaasaqarnermut

Aqutsinermullu Immikkoortortaq (qallunaatut: Afdeling for Økonomi og Ledelse) ataatsimut

kattunneqarnerisa kinguneranik immikkoortortaq nutaaq Afdeling for Økonomiske &

Samfundsvidenskabelige Studier pilersinneqarpoq. Immikkoortortaq nutaaq Oqaasiliortut kalaallisut

ima taaguuteqassasoq akueraat: Aningaasaqarnermik Inuiaqatigiilerinermillu Ilisimatusarnernut

Immikkoortortaq.

6.4. Mikroplast:

Eqqakkat mikisuararsuit qallunaartut 'mikroplast'-inik taaneqartartut 'eqqakkat

arrortinneqarsinnaanngitsut'-nik taaguuserneqarnissaannik siunnersuuteqartoqaraluartoq

Oqaasiliortut aalajangerput oqaasersiaatillugu atoraanni paatsoorannginnerussasoq, tassami

'eqqakkat arrortinneqarsinnaanngitsut' pineqartillugit 'mikroplast'-it kisimik eqqartorneqarneq

ajorput. Tassa Oqaasiliortut 'mikroplast' atorineqassasoq aalajangiuppaat.

6.5. Namminersulivinneq, namminiilivinneq:

Politikkikkut 'selvstændighed' pineqartillugu oqaatsit ulluinnarsiutaalereersut 'namminersulivinneq'

aamma 'namminiilivinneq' taaguutissatut akuerineqassasut Oqaasileriffimmiit

inassutigineqaraluartoq Oqaasiliortut aatsaat ataatsimeeqqinnissami aalajangeerusullutik

kinguartitsipput.

7. Taasariaqartut allat:

7.1. Ataatsimeeqqinnissamut ulluliineq:

Ataatsimeeqqinnissaq pissaaq decembarip 12-iata 16-atalu akornanni.

7.2. 2017-imut pilersaarusionnissamut ulluliineq:

Ulluliisoqanngilaq Oqaasileriffiulli ataatsimeeqqinnissamut oqaluuserineqarsinnaasunik missingersuusiornissaa Oqaasiliortuniit piumasarineqarluni. Ataatsimeeqqinnissami aatsaat ulluliisoqassaaq.

7.3. Royal Arctic Line-imiit taaguutit (ilisimatitsissutitut):

Royal Arctic Line-ip Nuummi umiarsualivittaami allagartanik ikkussuinissaanut Oqaasileriffimmiit siunnersuutigineqartut Oqaasiliortunut ilisimatitsissutigineqartut imaapput:

1. Nassiussaleriffik Allaffeqarfillu, Cargo Expedition & Administration
2. Sullitat biiliinut inissiivik, Customer parking
3. Sulisut biiliinut inissiivik, Staff parking
4. Nassiussisarfik aallertarfillu / Nassiussisarfik & aallertarfik, Unloading- & Loading of cargo
5. Inniminniisarfik atuisunillu sullissivik, Booking & Customer Service
6. Assartugaleriffik umiarsuarnillu kifartuussivik, Forwarding & Agency
7. Key Account Managerit, Key Account Managers
8. Umiarsuarnik ingerlatsisut, Fleet Management
9. Inuttalersuisut, Crewing
10. Pilersaarusionnissamut immikkoortortaqaqarfik, Operations Management
11. Atortunik isumaginnittut / Atortuutunik isumaginnittut, Equipment Management
12. Terminalilerisut, Terminal operations
13. HSEQ-Sillimmasiineq, HSEQ-Assurance

7.4. Oqaasiliortut suliaasa killiffiannik ilisimatitsineq:

Oqaasiliortukoortussat killiffiannik Oqaasiliortut ilisimatinneqarput.

Oqaasiliortut

Allatsi

Bolatta M. Vahl, siulittaasoq

Minik Jeremiassen

Juaaka Lyberth

Jens Danielsen

Mariia Simonsen

Mette L. Lyberth



Oqaasileriffimmit paasisutissat

1. Forretningsorde pillugu Naalackersuisoqarfimmiit ima akissutisivugut:

“Naalackersuisup atsioreerpaq forretningsordeni, taamaattumik annertunerusumik allannguisinnaangilagut massakkoqqissaaq.

Naalackersuisoq har underskrevet forretningsorden, og derfor kan vi på nuværende tidspunkt ikke ændre på det.

§ 7 imatut paasineqassaaq:

Forretningsordens § 7 indeholder bl.a. et krav om, at man skal deltage i et møde for, at kunne stemme. Hvis man deltager ved elektronisk fremmøde fx via telefon eller internet, har man stemmeret. Man vil derimod ikke kunne stemme, hverken pr. post eller email, når man ikke deltager i mødet.

Biskop pillugu akuersereernikuummat forretningsordenimut ilaatinneqarpoq tusarniaaffissatut. Vedr. biskoppen, hun sagde god for ordningen, så det er vedtaget, at navnene bliver sendt til udtalelse hos hende.”

Akeqqinnikuuakka aperalugit taassuma qulaani allassimasup iluani mailikkut isummertarneq, kingornalu ataatsimiinnermi pisortatigoortunngortitsisinnaaneq/naqissusiisarneq qanoq isigineqassanersoq. Sulili akinngillat.

2. Oqaasileriffimmit nuannaarutigalugu ilisimatitsissutigisinnaanngorparput kalaallisuumiit qallunaatumut nutserusiornissaq Naalackersuisoqarfimmiit aningaasalerneqalermat. Suliaq ukiunik tallimanik sivisussuseqassaaq. Taamaammat 1.januar 2017-imiit atorfinitsitsisariaqassaaqut marlunnik (oqaaseqaatigiillioriaatsinut paasisimasalik (syntaktiler) aammalu taaguusersuinermik paasisimasalik (terminolog)). Taamaammat maanna allaffigisarput mikivallaalissaaq, tamannali aqqinniarlugu Naalackersuisoqarfik peqatigalugu paasiniaassaagut. Matumani suliasami Nutserisoqarfik nalunaarpoq arlaatigut ikiuussinnaagunik aamma tapertaasinnaallutik, pingaartumik taaguutinik ineriartortitsinerup tungaatigut.
3. Ordbogilerinermik suliaq Oqaasileriffimmiitinneqalersinnaaneranik periarfissat pillugit Naalackersuisoqarfimmut saqqummiussigatta/ataatsimeeqateqaratta tusarluarneqarpoq. Oqaasiliortut inatsisissaanut nutaamut tamanna ilanngunneqarsinnaassanersoq misissulerpaanngooq suliaqarfik taanna immikkut inuttaliiviginiarlugu.
4. Kalaallisuumiit tuluttuumut ordbogiliap app-inngorlugu nittartakkakkullu iserfigineqarsinnaalersunngortinnissaa maanna periarfissarsiuuteqqilerparput. App-iliortartoq tallimannngorpat ataatsimeeqatigissavarput. Naalackersuisoqarfiup iluani

immikkoortut ilaat aningaasanik atuinikipallaarsimanerat iluatsillugu suliaq taanna kiisami aningaasalerneqarnialerpoq.

5. Killiffilersuutit nutartigarput kigaakkaluarmik ingerlavoq, kinguaattooqalaarnerput pillugu imaassinnaavoq ukiup nutaap aallartilaarnerani aatsaat saqqummersoq. Suleqatigiit 1.dec. ataatsimeereerunik sukumiinerusumik paasissutissiinnaalissapput.
6. Korpusimik ineriartortitsineq ingerlalluarpoq, maannamut atuakkanik saqqummersitsisartut tamaavimmik nalunaarput allagaatiminnik tunniussisinnaallutik, tassani Ilinniusiorfik aamma atuagassiaq Kalaaleq ilanngullugit.
Misissuataarusukkussiuk uaniippoq: <http://beta.oqaasileriffik.gl/ocr/lookup.php>
7. Aappaagu Oqaatsit Ulloqarnissaannut tunngatillugu saqqarmiuqqanik ballonillu sanatitsinissamut aningaasanik qinnuteqarpugut. Ilanngullugu oqaatsitsinnik atuilluartut, atsiilluarsimasut, nutaaliortut, imaluunniit siuarsaaqataasut nersornaaserneqartalernissaannut aallartitsissutissatut aamma aningaasanik qinnuteqarluta.
Oqaasiliortut taamatut akissarsititsisalnissamik isuma tapersernikummassuk ingerlateqqinnikuuarput, kisianni isumaqarpisi kalaallit oqaasii immikkut, UNESCO-p nunat tamalaat akornanni ilitsoqqussaralugu oqaatsinut ullorititaata avataatigut, ulloqartinneqartalissasut? Taamaassappat ullormik siunnersuusiorsinnaavugut.
8. Naalakkersuisunngortup naapeqatiginissaanut saaffiginnissut tusarsiivarput. Ullumik siunnersuuteqartussaapput, ullussaatalu aalajangiunneqannginnerani tamassi pisinnaanersusi aperineqarumaarput.

Inuss.inuull.

Katti Frederiksen

Apeqqutissaqassagaluarussi aamma kfre@oqaasileriffik.gl-imut allaannarsinnaavusi :)